

आकाशवाणी

खबरां ----

1 झारखंड च चुनाव प्रचार तेज, सब्बै पार्टियां अपने-अपने मेदवारें दे हक्कै च प्रचार करदे होई मतदाताएं गी अपने हक्कै च करने लेई अपनी पूरी टिल्ल ला करदिआं न।

2 प्रधानमंत्री नरेंद्र मोदी होरें वोकारो च रैली गी संबोधित कीता ते आखेआ जे बीजेपी सदा गै जनजातीय समुदायें दे हितै ते भलाई-बेहतरी लेई दृढ़ संकल्प ऐ ते झारखंड मुक्ति मोर्चा नै झारखंड गी छड़ा लुट्टने दा कम्म कीता ऐ।

3 जम्मू-कश्मीर दे जबरवान ते किश्तवाड़ जिले च आतंकवादिएं ते सुरक्षाबलें बश्कार टाकरा छिड़ी पेदा ऐ।

4 बीजेपी दे सीनियर लीडर ते गृह मंत्री अमित शाह होरें अज्ज महाराष्ट्र च पार्टी दा संकल्प पत्र जारी कीता।

5 कनाडा च माहनू च एच-फाइव बर्ड फ्लू दा पैहला मामला सामने आया ऐ।

6 2024 ग्लोबल सिटी इंडेक्स च दुबई मध्यपूर्व च सब्बनें शा अक्वल ते दुनिया भरै च पैहले नम्बरै पर आई गेआ ऐ।

7 ते क्रिकेट च अज्ज संझा दक्खन अफ्रीका च भारत ते दक्खन दक्खन बश्कार मजूदा 4 टी-20 मैचें दी श्रृंखला दा दूआ मैच खेइंढेआ जाग।

8 ते स्कवाश च भारत दी अनाहत सिंह नै न्यू साउथ वेल्स स्कवाश ओपन च महिलाएं दे सिंगल्स दा खताब जिती लैता ऐ।

<><><><><><><>

Campaign

झारखंड च होने आहले चुनांs लेई प्रचार दा कल खीरी ध्याड़ा ऐ ते सब्बै पार्टियां मते शा मते मतदाताएं गी अपने पक्खै च करने लेई अपनी पूरी ढिल्ल ला करदिआं न। पैहले गेड़ तैहत उत्थे 13 नवंबर गी ते दुए गेड़ च 20 नवंबर गी वोट पोआए जाने न। झारखंड मुक्ति मोर्चा दे सीनियर लीडर ते मुखमंत्रि हेमंत सोरेन होंरें केंद्री एजेंसिएं पर दोश लाया जे उंदा इस्तेमाल केंद्र सरकार उंदी सरकार खलाफ करा करदी ऐ। अज्ज रांची च इक चुनां जलसे गी संबोधित करदे होई

सोरेन होरें आखेआ जे जनता सब किश दिक्खा करदी ऐ ते इनें चुनाएं च बीजेपी गी ओह करारा जवाब देग।

<><><><><><><><>

BJP-Modi

भारतीय जनता पार्टी दे वरिष्ठ नेता ते प्रधानमंत्री नरेंद्र मोदी होरें आखेआ ऐ जे बीजेपी नै सदा गै आदिवासिं दे हितें ते उंदी भलाई बेहतरी पर ध्यान दिता ऐ। उनें आखेआ जे बीजेपी दे आदिवासी भैहने भ्रां दियां आसां-मेदां ते स्वाभिमान सदा सब्बनें शा उप्पर रेआ हा। झारखंड दे बोकारो च चंदनक्यारी विधानसभा क्षेत्र च विजय संकल्प अभियान गी संबोधित करदे होई मोदी होरें आखेआ जे पिछले 10एं बरें च बीजेपी सरकारै राज्य गी 3 लक्ख करोड़ रपे कोला मता दिता ऐ जेड़ा कांग्रेस कोला 4 गुणा मता ऐ। उनें आखेआ जे झारखंड राज्य असें बनाया ऐ, इस करिए एहदा विकास बी अस्स करगे। झारखंड मुक्ति मोर्चा दी नुख्ताचीनी करदे होई मोदी होरें आखेआ जे सोरेन सरकार नै झारखंड गी शड़ा लुट्टने दा कम्म कीता ऐ।

<><><><><><><><>

Amit-Shah

तोआई महाराष्ट्र च बी चुनां अभियान जोरें शोरें कन्नै जारी ऐ ते उत्थे बी सब्बै सियासी दल मतदाताएं गी अपने पक्खै च करने लेई चुनां प्रचार च अपनी पूरी ताकत ला करदे न। बीजेपी दे वरिष्ठ नेता ते गृह मंत्री अमित शाह होरें अज्ज जलगाव, मलकापुर ते बुलढाना च रैल्लिएं गी संबोधित कीता। जिसलै जे पार्टी दे सीनियर लीडर निनित गडकरी होर नागपुर ते यवतमाला च जनसभाएं गी संबोधित कीता। एहदे शा पैहले अमित शाह होरें मुम्बई च बीजेपी दा चुनां घोषणा पत्र जारी कीता। तोआई, कांग्रेस दे राष्ट्रीय प्रधान मल्लिकार्जुन खडगे होरें बी अज्ज महा विकास अघाड़ी दा घोषणा पत्र जारी कीता। जिसले जे राष्ट्रवादी कांग्रेस पार्टी दे प्रमुख शरद पवार होरें धाराशिव, अहमदनगर ते छत्रपति सभाजी नगर च महाविकास अघाड़ी दे मेदवारें दे हक्कै च प्रचार कीता। शिव सेना दे उद्धव ठाकरे होरें सोलापुर च जनसभा ग संबोधित कीता।

<><><><><><><>

MOP

बिजली मंत्री मनोहर लाल होरें अज्ज नर्मी दिल्ली च बिजली कन्नै चलने आहिलिएं गड्डिएं जानी ई-वीकल रैली गी झंडी दस्सिए रवाना

कीता। इस मौके पर उन्हें इस सेवा कार्यक्रम की भी शुरुआत कीती।
मंत्री होरें इस मौके अपने संबोधनै च आखेआ जे ई-गड्डियां प्रदूषण
घट्ट करने च महत्वपूर्ण योगदान दिंदियां न। उन्हें आखेआ जे ई-
गड्डियां इक नेक पैहल ऐ जेहदी दिल्ली च बड़ी मती लोड़ ही।



University-Ranking

भारत दे 7 शिक्षा संस्थानें क्यू एस वर्ल्ड यूनिवर्सिटी रैंकिंग एशिया
2025 दे टॉप 100 च थाहर बनाई ऐ। भारत दियें दऊं यूनिवर्सिटयें
टॉप-50 च ते कुल 7एं टॉप 100एं च अपने नां गी दर्ज करोआने दा
मान हासल कीता हा। इंदे च भारतीय प्रौद्योगिकी संस्थान
आई.आई.टी दिल्ली 44मीं थाहरै पर ऐ। शिक्षा मंत्रालय नै इक बयानै
च आखेआ ऐ जे इस गल्ला नै साबत करी दिता ऐ जे समूलचे
महाद्वीप इच उच्ची सतह दी शिक्षा च भारत महत्वै आहली थाह
रखदा ऐ। लिस्टै च आई.आई.टी बाम्बे 48मीं थाहै पर ऐ, जिल्ले के
आई.आई.टी म्दास, आई.आई.टी खड़गपुर, आई.आई.टी कानपुर ते
दिल्ली यूनिवर्सिटी टॉप 100 च शामिल होर दुए भारतीय संस्थान न,
जेड़े भारत दी तगड़ी शैक्षणिक स्थिति गी साबत करदे न।

<><><><><><><><>

Canada

भारतीय विद्यार्थियों ताई दूर तगर असर पाने आहले इक्क महत्वै आहली गें च कनाडा नै Student Direct Stream, SSD वीजा कार्यक्रम गी बंद करने दी घोशणा कीती ऐ। ध्यानजोग ऐ जे SSD पढ़ाई करने आहले अंतरराष्ट्री विद्यार्थियों गितै इक महत्वै आहला रस्ता ऐ। एह आखेआ जा'रदा ऐ जे कनाडा च चला'रदी रिहायश ते संसाधनें दी कमी गी दिखदे होई एह गैह पुट्टी गेई ऐ।

<><><><><><><><>

Day-J&K-Encounter

जम्मू-कश्मीर च श्रीनगर दे जबरवान जंगली इलाके ते किश्तवाड़ दे केशवान जंगल च आतंकवाद विरोधी सांझे अभियान चला'रदेन, जिल्ले के उत्तरी कश्मीर दे बारामूला जिले दे सोपोर इलाके च बलें इक्क आतंकवादी गी मारी मकाया ऐ। कश्मीर जोन दे पुलस प्रवक्ता नै दस्सेआ जे अज्ज बड़लै श्रीनगर दे बाहरले इलाके जबरवान च आतंकवादिये ते सुरक्षा बलें बशकार टाकरा होआ जेदे च कुसै दे मारे जाने दी खबर नेई ऐ। सेना दी चिर कोर दे प्रवक्ता नै बारामूला जिले राजपुर सोपोर च चला रदे अभियान च कल इक्क बेपंछानू आतंकवादी

दे मारे जाने दी तस्दीक कीती। इलाके च तपाशी अभियान जारी ऐ। इस सरबंधै च होर जानकारी गी बलगेआ जा'रदा ऐ। इक होर दुए अभियान च किशतवाड़ जिले दे दूर-दरेडे जंगल च छपे दे आतंकवादियें कन्नै भखे दे टाकरे च सेना दे 4 जवान जख्मीं होई गेन। टाकरा बड़ुलै 11 बजे उसलै रम्भ होआ जिसले सेना ते पुलस दे सांझे तपाशी दलें केशवान जंगलै च आतंकवादियें दा पता लाया। टाकरा उस थाहै थमां किश किलोमीटर दे छिंडे पर ऐ जित्थें वीडिजी नजीर अहमद ते कुलदीप कुमार दे गोलियें कन्नै छलनी लोथां थहोइयां हियां।

<><><><><><><>

Winter-Omar

जम्मू-कश्मीर दे मुखमंत्रि उमर अब्दुल्ला होरें केंद्र शासत प्रदेश दे कश्मीर ते जम्मू खिते च स्यालै आस्तै कीती जा'रदियां तैयारियें दा कल जायजा लैता। सिविल सचिवालय च जनाब अब्दुल्ला हुंदी प्रधानता च लग्गी दी बैठकै च 2024-25 दी स्यालै आहली रूतै गी दिखदे होई तैयारियें दी समीक्षा कीती गई। बैठक च मुखमंत्रि हुंदे सलाहकार नासिर असलम वानी, मुख सचिव अटल डुल्लु ते होर दुए आला अफसर शामिल होए। इस मौके मुखमंत्रि होरें गी दस्सेआ गेआ जे अंतर जिला जरनैली शिड़कें, जिला शिड़कें ते शहरें दियें शिड़कें

थमां बर्फ हटाने ते रख-रखाव गी किस चाल्ली पहल दिती गई ऐ। एहदे अलावा अस्पतालें, ग्रिड स्टेशनें, अग्ग साहलने आहली ते होर दुइयें अमरजेंसी सेवां दे कम्मकाज सने लोइचदियें महत्वे आहिलियें सेवाएं गी यकीनी बनाने पर टकोहदा ध्यान दिता जा'रदा ऐ। बर्फीले इलाकें च अमरजेंसी ते सेहत संबंधी जरूरतें ताईं सब्सिडी आहली हेलीकाप्टर सेवा गी तैयार रक्खे गेदा ऐ। मुखमंत्री होरें सरबंधत अधिकारियें गी निर्देश दिते जे ओह दूर-दरेडे दे इलाकें च सेहत स्हूलतें गी बेहतर बनाने दे मकसद कन्नै खाली औहदें गी पुर करन। मुखमंत्री होरें आखेआ जे पैहली बर्फबारी कन्नै गै सहाड़ी तैयारियें दा असल इम्तेयान होग। उनें गलाया जे इक्क बारी जिल्ले योजना घोशित करी दितियां जंदियां न ते उंदी असरदार अमल आवरी सब्बनें शा उप्पर होई जंदी ऐ।

<><><><><><><>

Army-Chief Kathua

सेनाध्यक्ष जनरल उपेंद्र द्विवेदी होरें कठुआ जिले च बने दे सुरक्षा हालात दा जायजा लैता। आकाशवाणी दे जम्मू संवाददाता दी रिपोर्ट मूजब सेनाध्यक्ष हुंदा कठुआ दा एह दौरा जम्मू संभाग च तेज कीते गेदे आतंकवाद रोधी अभियानें दे मददेनजर लाया गेआ ऐ। ध्यानजोग

ऐ जे आतंकवादिएं जंदे वीरवारें किशतवाड़ जिले च दऊं ग्राम रक्षा गाईं गी अगवाह करियै उंदी हत्तेआ करी दिती ही। जनरल द्विवेदी होरें कठुआ जिले च तैनात राईजिंग-स्टार कोर दे अगेत्रे युनिटें दा दौरा लाया ते इस मौके उनेंगी मजूदा सुरक्षा हालात बारे जानकारी दिती गई। सेनाध्यक्ष होरें उत्थे तैनात जोआनें कन्नै गल्लबात कीती ते पूरी निश्ठा ते पेशेवर तरीके कन्नै अपनी जिम्मेदारिएं गी अंजाम देने लेई उंदी सराहना बी कीती।



Age-Limit

जम्मू-कश्मीर सरकारै प्रदेश च सांझे मुकाबलेबाजी आहले म्तेहान देने दे ख्वाहिशमंद सामान्य श्रेणी दे मेदवारें लेई उम्र दी बद्दोबद्द हद गी बधाइयै 35 बरे करी दिता ऐ। एहदे शा पैहले एह हद 30एं बरें तगर दी ही। आरक्षित श्रेणी दे मेदवारें लेई हून बद्दोबद्द उम्र दी हद 37 बरे ते दिव्यांग मेदवारें लेई 38 बरे करी दिती गई ऐ। नेशनल कांफ्रेंस नै आखेआ ऐ जे इस गेंह दे कन्नै उनें अपना इक होर चुनावी वादा पूरी करी दिता ऐ। एन.सी नै सोशल मीडिया मंच 'एक्स' पर लिखेआ ऐ जे सांझे मुकाबलेबाजी आहले म्तेहान लेई उम्र दी बद्दोबद्द हद गी

बधाइयै नेशनल कांफ्रेंस दी सरकारै अपना चुनावी वायदा पूरा कीता ऐ।



Canada-Bird Flu

कनाडा दे ब्रिटिश कोलंबिया च इक किशोर उम्मी दे बच्चे च बर्ड फ्लू दी लाग पाई गई ऐ। कनाडा च कुसै माहनू च एच-5 स्ट्रेन आहला एह पैहला मामला ऐ। प्रांतीय प्रशासन मूजब अस्पताल च इस बच्चे दा इलाज चलै करदा ऐ ते माहिर ओहदी हालत पर नेइमी तक्क रक्खै करदे न। सेहत मैहकमे नै लागै दे स्रोत दा पता लाने ते इस जागतै दे संपर्क च आए दे लोकें दी पंछान करने लेई पुच्छ-गिच्छ ते छानबीन दा कम्म शुरू करी दिता ऐ।



Dubai Index

दुनिया दे प्रमुख शैहरें दी रैंकिंग, ग्लोबल सिआ इंडैक्स च दुबई उप्परोतली दुए बरे दी पच्छम एशिया ते अफ्रीका च अक्वल नम्बरै पर आया ऐ जिसलै जे कुल संसारी सतह पर बी एह सिंगापुर, लॉस एंजीलस, सिडनी, सैन फ्रांसिको ते एम्सटर्डम जनेए शैहरें गी पिच्छे छोड़दे होई 5में नंबर पर पुज्जी गोआ ऐ। ब्रैंड फाइनांस आसेआ जारी

रिपोअर् मूजब दुबई दी वैश्विक प्रतिशठा गी दुनिया भरै च पैहली
थाहर दिती गई ऐ।

<><><><><><>

Cricket

भारत ते दक्खन अफ्रीका बश्कार चौं मैचें दी टी-20 श्रृंखला दा दुआ
मैच अज्ज गकेबेरहा च सेंट जार्जस् पार्क क्रिकेट ग्राउंड च खेडेआ
जाग। भारतीय टीम क्रिकेट दे सब्बनै निक्के फार्मेट च अपनी शानदार
फार्म गी बरकरार रखना चाहग। शुक्रवार गी खेड्ढे गेदे श्रृंखला दे पैहले
मैच च भारत नै दक्खन अफ्रीका गी 61 रन्जें कन्नै हराया हा। मैच
भारतीय समें मताबक रातीं साड्ढे 8 बजे थमां खेड्ढेआ जाग।

<><><><><><>

Squash

भारत दी अनाहत सिंह नै आस्ट्रेलिया दे सिडनी शैहरा च आयोजित
न्यू साउथ वेल्स स्क्वैश ओपन प्रतियोगिता दा महिला सिंगल्स दा
खताब जिती लैता ऐ। उनें फाइनल च हांगकांग दी हेलेन टैंग गी
हराया। अनाहट नै टैंग गी खीरी 8-11, 11 76, 11-3, 11-3 ते 11-

4 कन्नै हराइयै अपने करिअर दा 7मां पीएसए चैलेंजर खताब अपने
नां कीता।

